

KUGLAŠKI SAVEZ FEDERACIJE BOSNE I HERCEGOVINE

P R A V I L N I K
o Sportskoj arbitraži

SARAJEVO 2012.

Na osnovu člana 16. Statuta Kuglaškog Saveza Bosne i Hercegovine, Skupština Kuglaškog Saveza Bosne i Hercegovine na sjednici održanoj 02.06..2007. godine donosi:

P R A V I L N I K O SPORTSKOJ ARBITRAŽI KUGLAŠKOG SAVEZA FEDERACIJE BOSNE I HERCEGOVINE

1. OPŠTE ODREDBE

Član 1.

Ovim Pravilnikom se reguliše organizacija, nadležnost i način rada Sportske arbitraže kao stalnog izabranog suda Kuglaškog Saveza Federacije Bosne i Hercegovine, u skladu sa načelom da su članovi Kuglaškog Saveza Federacije dužni sva svoja sporna pitanja rješavati u okviru Kuglaške organizacije.

Član 2.

Sportska arbitraža je nadležna da donosi pravosnažne odluke po svim pravnim lijekovima ulozenim na odluke Predsjedništva Kuglaškog Saveza Federacije i njihovih komisija i radnih tijela shodno odredbama Statuta i pravilnika Kuglaškog Saveza Federacije Bosne i Hercegovine.

Članovi Kuglaške organizacije se ne mogu za rješenje međusobnih sporova povodon prava, obaveza i odgovornosti koje se ostvaruju u Kuglaškoj organizaciji obraćati sudovima i drugim državnim organizacijama, u koliko po spornom pitanju odluku nije donijela Sportska arbitraža.

Član 3.

Sjedište Arbitraže je u sjedištu Saveza, ali Arbitraža može donijeti odluku da privremeno zasjeda i u drugom gradu Bosne i Hercegovine.

Član 4.

Sportska arbitraža ima Predsjednika i 4 člana koji se biraju na period od 4 (četiri) godine, a koji zasjedaju u vijeću uz obavezno prisustvo nadpolovične većine broja članova Arbitraže.

Član 5.

Sve odluke Arbitraža donosi većinom glasova članova Arbitraže.

Član 6.

Sekretar Kuglaškog Saveza Federacije vrši administrativne poslove za potrebe Arbitraže.

2.POSTUPAK PRED SPORTSKOM ARBITRAŽOM

Član 7.

Protiv konačne odluke Predsjedništva kao drugostepenog organa Saveza, nezadovoljna strana može uložiti žalbu u roku od 8 dana od dana prijema Odluke. Sportska arbitraža dužna je donijeti konačnu Odluku u roku od 15 dana od prijema žalbe.

Potvrdu o prijemu zahtjeva daje Generalni Sekretar Kuglaškog Saveza Federacije BiH.

Član 8.

Prije donošenja odluka o žalbi, Arbitraža može zatražiti mišljenje Nadzornog odbora ili drugih organa ili lica o spornom pitanju.

Član 9.

Za svaki pojedinačan predmet, Arbitraža će odrediti izvjestioca-arbitra koji će pribaviti odgovarajuću dokumentaciju, isprave i druga dokazna sredstva neophodna radi utvrđivanja pravilnog činjeničnog stanja i predložiti odgovarajuću odluku o kojoj će se glasati.

Strane u sporu koje su istovremeno i članovi arbitraže ne mogu učestvovati u sporu, umjesto njih Predsjednik i Podpredsjednik Skupštine imenuju drugog člana ili članove..

Član 10.

Svaki član Arbitraže ima pravo i dužnost da samostalno pribavlja isprave i obezbeđuje druga dokazna sredstva radi utvrđivanja činjenica važnih za zakonitu odluku, te da na bazi slobodne ocjene, dokaza i činjenica učestvuje u donošenju odluke.

Član 11.

Ukoliko se za tim ukaže potreba, Sportska arbitraža može i neposredno saslušati ovlaštene zastupnike stranaka u sporu.

Član 12.

Svi članovi Kuglaškog Saveza su dužni na zahtjev Arbitraže dostaviti odgovarajuću dokumentaciju i pružiti odgovarajuća obavještenja na osnovu kojih Arbitraža može donijeti zakonitu odluku.

Član 13.

O zasjedanju Arbitraže se vodi zapisnik. Zapisnik void Sekretar Saveza ili lice koga on odredi.

O vjećanju i glasanju zapisničar u zapisnik unosi posebnu konstataciju koju potpisuju svi članovi Arbitraže koji su glasali o odluci.

Član 14.

Po donesenoj odluci u roku od 3(tri) dana od dana donošenja, Arbitraža je dužna donijeti pismeno izrađenu odluku i istu dostaviti strankama u sporu.

Član 15.

Odluka Arbitraže mora biti obrazložena. Dispozitiv odluke mora sadržati izreku kojom se rješava spor uvažavanjem ili odbijanjem zahtjeva a u obrazloženju odluke moraju se navesti razlozi o odlučnim činjenicama na osnovu kojih je spor riješen.

Član 16.

Pismeno izrađenu odluku sačinjava arbitar-izvjestilac određen za pojedinačan spor. Odluku potpisuje Predsjednik Arbitraže.

Član 17.

O izvršenju odluke Arbitraže stara se Predsjednik Skupštine Saveza.

Član 18.

Svi troškovi rada Arbitraže i troškovi postupka pred Arbitražom padaju na teret sredstava Kuglaškog saveza Federacije Bosne i Hercegovina.

Član 19.

Za sve što nije regulisano ovim Pravilnikom važe odgovarajuće odredbe Statuta Kuglaškog Saveza Federacije Bosne i Hercegovine i odgovarajućih pravilnika.

Član 20.

Ovaj Pravilnik stupa na pravnu snagu 8 dana od dan donošenja.

P r e d s j e d n i k
Skupštine Kuglaškog saveza Federacije BiH